

Захиргааны хэм хэмжээний
актын улсын нэгдсэн бүртгэлд
2023 оны 04 сарын 17-ны
өдрийн 6207 дугаарт бүртгэв.

САНХҮҮГИЙН ЗОХИЦУУЛАХ ХОРООНЫ ДАРГА, САНГИЙН САЙД,
МОНГОЛБАНКНЫ ЕРӨНХИЙЛӨГЧИЙН ХАМТАРСАН ТУШААЛ

2023 оны 4 сарын
3-ны өдөр

Дугаар 190/71/А-72

Улаанбаатар
хот

Журам шинэчлэн батлах тухай

Санхүүгийн зохицуулах хорооны эрх зүйн байдлын тухай хуулийн 6 дугаар зүйлийн 6.1.2, 6.1.12, Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Төв банк (Монголбанк)-ны тухай хуулийн 28 дугаар зүйлийн 1 дэх хэсгийн 15 дахь заалт, Санхүүгийн зохицуулах хорооны 2023 оны 57 дугаар тогтоолыг тус тус үндэслэн ТУШААХ нь:

Нэг. “Сэндбокс зохицуулалтын орчны журам”-ыг хавсралт ёсоор шинэчлэн баталсугай.

Хоёр. Тушаалын хэрэгжилтэд хяналт тавьж ажиллахыг Санхүүгийн зохицуулах хорооны Зах зээлийн судалгаа, хөгжлийн газар (Н.Оюунчимэг), Сангийн яамны Санхүүгийн бодлогын газар (Б.Сүх-Очир), Монголбанкны Төлбөр тооцооны газар (Э.Анар)-т тус тус даалгасугай.

Гурав. Энэ тушаал гарсантай холбогдуулан Монголбанкны Ерөнхийлөгч, Санхүүгийн зохицуулах хорооны дарга, Сангийн сайд, Хадгаламжийн даатгалын корпорацийн гүйцэтгэх захирлын 2021 оны А-63/64/32/А/27 тоот хамтарсан тушаалыг хүчингүй болсонд тооцсугай.



СЭНДБОКС ЗОХИЦУУЛАЛТЫН ОРЧНЫ ЖУРАМ

Нэг. Нийтлэг үндэслэл

1.1. Санхүүгийн салбарт шинээр нэвтэрч буй технологид суурилсан шинэлэг бүтээгдэхүүн, үйлчилгээг Санхүүгийн зохицуулах хороо, Монголбанк /цаашид “санхүүгийн зохицуулагч байгууллага” гэх/-ны хяналт, зохицуулалт дор хязгаарлагдмал хүрээг хамарсан бодит орчинд, тодорхой цаг хугацаанд турших сэндбокс зохицуулалтын орчин /цаашид “сэндбокс” гэх/-г бий болгох, оролцогчдод тавигдах шаардлагыг тодорхойлох болон түүнтэй холбогдох бусад харилцааг энэ журмаар зохицуулна.

1.2. Сэндбоксын орчинд туршигдахаар зөвшөөрөгдсөн бүтээгдэхүүн, үйлчилгээ нь тусгай зөвшөөрөл шаардах тохиолдолд тусгай зөвшөөрөлд тавигдах шаардлагыг санхүүгийн зохицуулагч байгууллага зөвхөн өөрийн бүрэн эрхэд нийцэх хэмжээнд, сэндбоксын хугацаанд тухайн оролцогчийн хувьд бууруулах, эсхүл шаардлагаас чөлөөлөх байдлаар зохицуулж болно.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар өөрчлөн найруулсан./

Хоёр. Тавигдах шаардлага

2.1. Сэндбоксын оролцогч нь дараах шаардлагыг хангасан байна:

2.1.1. Монгол Улсад бүртгэлтэй хуулийн этгээд байх;

2.1.2. сэндбоксын хугацаанд үйл ажиллагаанаас үүсэж болзошгүй эрсдэлийг нөхөн төлөх санхүү, төлбөрийн чадвартай;

2.1.3. банк, санхүүгийн байгууллагад хугацаа хэтэрсэн өр төлбөргүй;

2.1.4. хувьцаа эзэмшигчид, эрх бүхий албан тушаалтнууд нь Эрүүгийн хуульд заасан авлига, албан тушаал, эдийн засгийн болон терроризм, үй олноор хөнөөх зэвсэг дэлгэрүүлэх, тэдгээрийг санхүүжүүлэх, хуурамч баримт бичиг үйлдэх, ашиглах гэмт хэрэгт эрүүгийн хариуцлага хүлээж байгаагүй байх;

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар өөрчлөлт оруулсан./

2.1.5. хувьцаа эзэмшигчийн оруулж буй хувь нийлүүлсэн хөрөнгийн эх үүсвэр нь хууль ёсны эсэхийг тодорхойлох боломжтой байх бөгөөд татвар төлсөн;

2.1.6. хүчин төгөлдөр мөрдөж буй хууль тогтоомж, зохицуулалтын шаардлагаас зайлсхийх зорилго агуулаагүй;

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар нэмсэн./

2.2. Сэндбоксод дараах бүтээгдэхүүн, үйлчилгээг хамруулна:

2.2.1. санхүүгийн зах зээлд шинээр нэвтэрч байгаа, эсхүл ижил төстэй санхүүгийн бүтээгдэхүүн, үйлчилгээтэй харьцуулахад санхүүгийн зах зээл болон хэрэглэгчийн хүртэх үр ашгийг нэмэгдүүлэх;

2.2.2. шинээр нэвтрүүлж буй технологи, шийдэлд холбогдох зохицуулалтын орчин бүрдээгүй, эсхүл одоо байгаа зохицуулалтын орчинд өөрчлөлт оруулах шаардлага үүссэн;

2.2.3. санхүүгийн зохицуулалтын орчинд шинээр нэвтэрч буй технологийн шийдэл буюу регтек;

2.2.4. санхүүгийн зохицуулагч байгууллага болон бодлого гаргагчдын зүгээс тодорхой асуудлыг шийдвэрлэх зорилгоор санал болгосон бүтээгдэхүүн, үйлчилгээ болон бусад.

2.3. Сэндбоксын оролцогчийн санал болгож буй бүтээгдэхүүн, үйлчилгээ нь дараах шаардлагыг хангасан байна:

2.3.1. санхүүгийн тогтвортой байдалд эрсдэл учруулахааргүй;

2.3.2. мөнгө угаах болон терроризмыг санхүүжүүлэх чиглэлд ашиглагдах зорилго агуулаагүй;

2.3.3. санхүүгийн үйлчилгээний хүртээмж болон хэрэглэгчийн хүртэх үр ашиг, өгөөжийг нэмэгдүүлэхэд чиглэсэн;

2.3.4. хэрэгжих боломжтой байдал болон техник, эдийн засгийн үндэслэл, санхүүгийн үр ашгийн тооцоо хийгдсэн;

2.3.5. энэ журмын 1 дүгээр хавсралтад заасан технологийн шаардлагыг хангасан;

2.3.6. сэндбоксын орчинд хэрэглэгчид санал болгоход бэлэн болсон, технологийн хөгжүүлэлт нь шаардлагатай хэмжээнд хийгдсэн.

2.4. Сэндбоксад дараах бүтээгдэхүүн, үйлчилгээг хамруулахгүй:

2.4.1. энэ журмын 2.3-т заасан шаардлагыг хангаагүй;

2.4.2. энэ журмын 4.1-т заасан баримт бичгийн бүрдлийг хангаагүй, эсхүл ирүүлсэн баримт бичгийг хуурамчаар бүрдүүлсэн нь тогтоогдсон.

Гурав. Сэндбоксын зөвлөл, алба

3.1. Энэ журмын хэрэгжилтийг хангуулах чиг үүрэг бүхий Сэндбоксын зөвлөл /цаашид “Зөвлөл” гэх/ болон Сэндбоксын алба байна.

3.2. Зөвлөлийн бүтэц, бүрэлдэхүүн, үйл ажиллагаатай холбогдох харилцааг “Сэндбоксын зөвлөлийн дүрэм”-ээр зохицуулах ба уг дүрмийг санхүүгийн зохицуулагч байгууллагууд хамтран батална.

3.3. Зөвлөл нь дараах бүрэн эрхийг хэрэгжүүлнэ:

3.3.1. Сэндбоксын албаны санал, дүгнэлтийг үндэслэн сэндбоксын нөхцөл, хязгаарлалтыг тодорхойлж, сэндбоксад оруулах эсэх зөвлөмжийг гарган холбогдох санхүүгийн зохицуулагч байгууллагад хүргүүлэх;

3.3.2. сэндбокс дуусгавар болох үед холбогдох зөвлөмжийг гаргах;

3.3.3. сэндбоксад амжилттай туршигдсан бүтээгдэхүүн, үйлчилгээг зах зээлд нэвтрүүлэхэд шаардлагатай зохицуулалтын орчны талаарх зөвлөмж гаргах;

3.3.4. сэндбоксын үйл ажиллагаа болон технологид суурилсан ухаалаг санхүүгийн зах зээлийг хөгжүүлэхэд чиглэсэн бодлогын санал дэвшүүлэх.

3.4. Сэндбоксын албаны чиг үүргийг Санхүүгийн зохицуулах хороо хэрэгжүүлнэ.

3.5. Санхүүгийн зохицуулагч байгууллагын хууль, мэдээллийн технологийн болон тухайн салбарын бодлого, хяналтын чиглэл хариуцсан албан хаагч /цаашид “чиглэл хариуцсан албан хаагч” гэх/ нь сэндбоксад орох бүтээгдэхүүн, үйлчилгээний төрлөөс хамаарч тухай бүр Сэндбоксын албатай хамтран ажиллана.

3.6. Сэндбоксын алба нь дараах бүрэн эрхийг хэрэгжүүлнэ:

3.6.1. сэндбоксад орох, сэндбоксын туршилтын хугацааг сунгах, сэндбоксоос гарах хүсэлтийг хүлээн авах, бүрдлийг хангуулах, магадлан шалгах, шаардлага хангасан хүсэлтэд холбогдох судалгаа, шинжилгээг гүйцэтгэж, чиглэл хариуцсан албан хаагчтай хамтран санал, дүгнэлт боловсруулан зөвлөлд танилцуулах;

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар өөрчлөлт оруулсан./

3.6.2. оролцогчийн сэндрбоксын хэрэгжилтийг үнэлэх гүйцэтгэлийн шалгуур үзүүлэлт, бизнес төлөвлөгөөтэй танилцан шаардлагатай тохиолдолд холбогдох саналыг бизнес төлөвлөгөөнд тусгуулах;

3.6.3. оролцогчдыг бүртгэн тэдгээрийн үйл ажиллагаанд чиглэл хариуцсан албан хаагчтай хамтран хяналт тавьж, зөвлөгөө өгч ажиллах;

3.6.4. сэндрбоксын үйл ажиллагаа болон технологид суурилсан санхүүгийн зах зээлийн талаар холбогдох судалгаа, шинжилгээг гүйцэтгэж, төсөл хөтөлбөр хэрэгжүүлэх санал боловсруулах.

Дөрөв. Сэндрбоксад орох

4.1. Хүсэлт гаргагч нь дараах баримт бичгийг бүрдүүлж, Сэндрбоксын албанд ирүүлнэ:

4.1.1. сэндрбоксад орох хүсэлтээ илэрхийлсэн албан бичиг;

4.1.2. энэ журмын 2 дугаар хавсралтад заасан маягтын дагуу гаргасан өргөдөл;

4.1.3. энэ журмын 1 дүгээр хавсралтад заасан технологийн шаардлагыг хангасан болохыг нотлох баримт;

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар нэмсэн./

4.1.4. энэ журмын 4.3-т заасны дагуу боловсруулсан бизнес төлөвлөгөө;

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 4.1.3 дахь заалтын дугаарыг 4.1.4 гэж өөрчилсөн./

4.1.5. энэ журмын 4.4-т заасны дагуу боловсруулсан эрсдэлийн удирдлагын төлөвлөгөө;

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 4.1.4 дэх заалтын дугаарыг 4.1.5 гэж өөрчилсөн./

4.1.6. Мөнгө угаах болон терроризмыг санхүүжүүлэхтэй тэмцэх тухай хуулийн 14.1-т заасан дотоод хяналтын болон эрсдэлийн удирдлагын хөтөлбөр;

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар өөрчлөлт оруулсан./

~~4.1.7. Мөнгө угаах, терроризмыг санхүүжүүлэхтэй тэмцэх тухай хуулийн 4.1 д хамааралгүй этгээдүүд бүтээгдэхүүн, үйлчилгээ, тэдгээрийг хэрэглэгчдэд хүргэх арга хэлбэр болон хэрэглэгчийг таньж мэдэх, эцсийн өмчлөгчийг тодорхойлж, эрсдэлийг бууруулахад чиглэсэн журам;~~

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар хүчингүй болсонд тооцсон./

4.1.8. мэдээллийн аюулгүй байдлын журам;

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 4.1.5 дахь заалтын дугаарыг 4.1.8 гэж өөрчилсөн./

4.1.9. бүтээгдэхүүн, үйлчилгээг сэндрбоксын орчинд туршсанаар хүлээгдэж буй үр дүн, эрх зүйн зохицуулалтын орчинд өөрчлөлт оруулах үндэслэл бүхий санал;

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар нэмсэн./

4.1.10. санхүүгийн тайлан;

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 4.1.8 дахь заалтын дугаарыг 4.1.10 гэж өөрчилсөн./

4.1.11.энэ журмын 2.1-д заасан шаардлагыг хангасан болохыг нотлох баримтыг хавсаргах.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 4.1.9 дэх заалтын дугаарыг 4.1.11 гэж өөрчилсөн./

4.2.Хүсэлт болон холбогдох баримт, материалууд монгол хэл дээр байна. Гадаад хэл дээрх баримт, материалуудыг баталгаат орчуулгын хамт ирүүлнэ.

4.3.Бизнес төлөвлөгөө нь дараах шаардлагыг хангасан байна:

4.3.1.хүсэлт гаргагч болон түүний санал болгож буй бүтээгдэхүүн, үйлчилгээний дэлгэрэнгүй танилцуулгыг тусгасан байх;

4.3.2.зорилго, зорилтуудыг нарийвчлан тусгасан, хэрэгжихүйц үйл ажиллагааны төлөвлөгөөтэй байх;

4.3.3.бүтээгдэхүүн, үйлчилгээ нь энэ журмын 2.3-т заасан шаардлагыг хангасан болохыг судалгаа, тооцооллын үр дүнгээр харуулж нотолсон байх;

4.3.4.бүтээгдэхүүн, үйлчилгээтэй холбогдох зах зээлийн судалгааг хийсэн байх;

4.3.5.туршигдах хугацаанд үйл ажиллагааны хэрэгжилтийг үнэлэх гүйцэтгэлийн шалгуур үзүүлэлтийг хэмжигдэхүйц байдлаар тодорхойлох;

4.3.6.сэндбоксоос гарах төлөвлөгөөтэй байх;

4.3.7.сэндбокс амжилттай хэрэгжсэний дараа зах зээлд нэвтрэх шилжилтийн төлөвлөгөөтэй байх.

4.4.Эрсдэлийн удирдлагын төлөвлөгөө нь дараах шаардлагыг хангасан байна:

4.4.1.шаардлагатай тохиолдолд бүтээгдэхүүн, үйлчилгээг хүргэх хэрэглэгчдийн тоо, хамрах хүрээний хязгаарлалт, нэг хэрэглэгчдэд зөвшөөрөгдөх гүйлгээний тоо, эсхүл нэг удаагийн гүйлгээний дээд хэмжээг тогтоосон байх;

4.4.2.туршигдах хугацаанд хэрэглэгчид болон санхүүгийн зах зээлд үүсэж болзошгүй эрсдэлийг тодорхойлж, урьдчилан сэргийлэх, бууруулах, хэрэглэгчдийн эрх ашгийг хамгаалах арга хэмжээний төлөвлөлтийг тусгасан байх;

4.4.3.эрсдэл учирсан тохиолдолд хохирол барагдуулах санхүү, төлбөрийн чадварын талаарх мэдээллийг тусгасан байх.

4.5.Сэндбоксын алба нь хүсэлтийг хүлээн авч, хянах явцад хуулийн этгээдээс нэмэлт мэдээлэл шаардаж болно.

4.6.Сэндбоксын алба нь бүрдэл бүрэн хүсэлт, холбогдох баримт бичгийг хүлээн авснаас хойш 30 хоногийн дотор сэндбоксын шаардлагыг хангасан эсэхийг магадлан шалгана.

4.7.Хүсэлт гаргагчийн хүсэлт, холбогдох баримт бичиг нь энэ журмын хоёрдугаар бүлэгт заасан шаардлагыг хангаагүй тохиолдолд Сэндбоксын алба нь хүсэлт гаргагчид албан бичгээр мэдэгдэж, хүсэлт гаргаагүйд тооцно.

4.8.Хүсэлт гаргагчийн хүсэлт, холбогдох баримт бичиг нь энэ журмын хоёрдугаар бүлэгт заасан шаардлагыг хангасан тохиолдолд Сэндбоксын алба нь санал, дүгнэлтийг боловсруулан Зөвлөлд хүргүүлж, танилцуулна.

4.9. Зөвлөл нь Сэндбоксын албаны санал, дүгнэлтийг үндэслэн сэндбоксад оруулах эсэх зөвлөмжийг гаргаж, санхүүгийн зохицуулах байгууллагад ажлын 10 өдрийн дотор хүргүүлнэ.

4.10. Энэ журмын 4.9-д заасан зөвлөмжийг үндэслэн тухайн бүтээгдэхүүн, үйлчилгээний төрлөөс хамааран Санхүүгийн зохицуулах хорооны дарга, эсхүл Монголбанкны Ерөнхийлөгч сэндбоксад оруулах эсэхийг шийдвэрлэнэ.

Тав. Сэндбоксад үйл ажиллагаа явуулах

5.1. Зөвлөл нь учирч болох эрсдэлээс урьдчилан сэргийлэх, хэрэглэгчдийн эрхийг хамгаалах зорилгоор сэндбоксын оролцогч /цаашид “оролцогч” гэх/-д заавал байлгах нөөц хөрөнгийн хэмжээ, хохирол нөхөн төлөхөд шаардлагатай хөрөнгийн доод хэмжээг тогтоох болон бүтээгдэхүүн, үйлчилгээг санал болгох зах зээлийн хүрээ, хэрэглэгчдийн тоо, нутаг дэвсгэр, нэг удаа, эсхүл нийт хийгдэх гүйлгээний тоо, хэмжээ зэрэгт хязгаарлалт тавьж болно.

5.2. Оролцогч нь Зөвлөлийн зөвлөмжид тусгасан шаардлага, хязгаарлалт, гүйцэтгэлийн шалгуур үзүүлэлтийг энэ журмын 4.1.4, 4.1.5-д заасан баримт, бичгүүдэд тусгаж, сэндбоксад оруулах шийдвэр гарснаас хойш ажлын 10 өдрийн дотор Сэндбоксын албанд ирүүлнэ.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 4.1.3, 4.1.4-д гэснийг 4.1.4, 4.1.5 гэж өөрчилсөн./

5.3. Оролцогч нь мэдээлэх үүрэгтэй этгээдийн нэгэн адил Мөнгө угаах болон терроризмыг санхүүжүүлэхтэй тэмцэх тухай хуульд заасан шаардлагыг биелүүлнэ.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар нэмсэн./

5.4. Оролцогч нь бүтээгдэхүүн, үйлчилгээг хэрэглэгчид санал болгохдоо санхүүгийн зохицуулагч байгууллагаас тухайн үйл ажиллагааг эрхлэх зөвшөөрөл аваагүй буюу бүтээгдэхүүн, үйлчилгээг сэндбоксын орчинд туршиж байгаа болон учирч болох бусад эрсдэлийн талаар урьдчилан танилцуулж, хэрэглэгчтэй байгуулах гэрээнд тусгах үүрэгтэй.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 5.3 дахь хэсгийн дугаарыг 5.4 гэж өөрчилсөн./

5.5. Оролцогчийн хэрэглэгчтэй байгуулах гэрээ нь төөрөгдүүлэхүйц, хоёрдмол утга агуулаагүй, ойлгомжтой байх бөгөөд гэрээний нөхцөлтэй хэрэглэгч бүрэн танилцсан тухай болон энэ журмын 5.4-д заасан нөхцөлийг урьдчилан мэдэгдсэн талаар оролцогч нь харилцагчаар гарын үсэг зуруулан эсхүл цахимаар баталгаажуулна.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 5.4 дэх хэсгийн дугаарыг 5.5 гэж, 5.3-д гэснийг 5.4-д гэж тус тус өөрчилсөн./

5.6. Оролцогч нь бүтээгдэхүүн, үйлчилгээний талаарх зар сурталчилгаандаа тухайн бүтээгдэхүүн, үйлчилгээ нь санхүүгийн зохицуулагч байгууллагаас зөвшөөрөл аваагүй буюу сэндбоксад туршигдаж буй талаар заавал дурдана.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар нэмсэн./

5.7. Оролцогч нь хэрэглэгчид болон тэдгээрт хүргэсэн бүтээгдэхүүн, үйлчилгээний талаар тогтмол бүртгэн мэдээллийн сан үүсгэж, нууцлалын аюулгүй байдлыг ханган ажиллана.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 5.5 дахь хэсгийн дугаарыг 5.7 гэж өөрчилсөн./

5.8. Оролцогч нь туршилтын хугацаанд холбогдох хууль тогтоомжид заасан кибер аюулгүй байдлын стандарт, нөхцөл шаардлагыг дагаж мөрдөх ба зохицуулалтын технологи (регтек)-ийг үйл ажиллагаандаа нэвтрүүлнэ.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар нэмсэн./

5.9. Оролцогч нь сэндбоксын орчинд зөвхөн зөвшөөрөгдсөн бүтээгдэхүүн, үйлчилгээг туршина.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 5.6 дахь хэсгийн дугаарыг 5.9 гэж өөрчилсөн./

5.10. Оролцогч нь сэндбоксад туршигдаж буй бүтээгдэхүүн, үйлчилгээний тайлан, мэдээг улирал бүрийн дараа сарын 10-ны дотор, шаардлагатай тохиолдолд бүтээгдэхүүн, үйлчилгээний онцлогоос хамааруулан сарын мэдээг дараа сарын 5-ны дотор Сэндбоксын албанд ирүүлнэ.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 5.7 дахь хэсгийн дугаарыг 5.10 гэж өөрчилсөн./

5.11. Тайлан нь дараах шаардлагыг хангасан байна:

5.11.1. тайлангийн агуулга хэлбэр, бүтээгдэхүүн, үйлчилгээтэй холбоотой статистик мэдээлэл, хэмжигдэхүүнийг урьдчилан тодорхойлж, тайланг ойлгомжтой байдлаар боловсруулах;

5.11.2. туршилтын явцад гарсан гомдол маргаан болон технологийн эвдрэл, гэмтлийг тухай бүрд бүртгэж, шийдвэрлэсэн байдлыг дэлгэрэнгүй тусгах;

5.11.3. туршилтын явцад нийгэм, эдийн засаг, хууль эрх зүйн орчны өөрчлөлтөөс шалтгаалан хүндрэл бэрхшээл үүссэн бол түүнийг шийдвэрлэх хариу арга хэмжээг тусгах;

5.11.4. туршиж буй бүтээгдэхүүн, үйлчилгээтэй холбоотой орлого, үр дүнгийн дэлгэрэнгүй тайлан.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 5.8 дахь хэсгийн дугаарыг 5.11 гэж, 5.8.1, 5.8.2, 5.8.3, 5.8.4 дэх заалтын дугаарыг 5.11.1, 5.11.2, 5.11.3, 5.11.4 гэж өөрчилсөн./

5.12. Шаардлагатай тохиолдолд Сэндбоксын алба нь оролцогчоос ирүүлсэн мэдээ, тайланд нэмэлт тодруулга, тайлбарыг холбогдох нотлох баримтын хамт шаардаж болно.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 5.9 дэх хэсгийн дугаарыг 5.12 гэж өөрчилсөн./

5.13. Оролцогч нь энэ журмын 2 дугаар хавсралтад заасан баримт бичигт өөрчлөлт орсон тохиолдолд ажлын 10 өдрийн дотор холбогдох мэдээллийг Сэндбоксын албанд ирүүлнэ.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 5.10 дахь хэсгийн дугаарыг 5.13 гэж өөрчилсөн./

5.14.Оролцогчдод зайны болон газар дээрх хяналт шалгалтыг холбогдох санхүүгийн зохицуулагч байгууллагын хяналт шалгалтын нэгж хэрэгжүүлэх ба Сэндбоксын алба хамтран оролцоно.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 5.11 дэх хэсгийн дугаарыг 5.14 гэж өөрчилсөн./

5.15.Сэндбоксын үргэлжлэх хугацаа 1 жил хүртэл байх ба оролцогчийн хүсэлтийг үндэслэн 1 жил хүртэл хугацаагаар нэг удаа сунгаж болно.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 5.12 дахь хэсгийн дугаарыг 5.15 гэж өөрчилсөн./

5.16.Оролцогч нь сэндбоксын үргэлжлэх хугацааг сунгах хүсэлтээ хугацаа дуусгавар болохоос 30-аас доошгүй хоногийн өмнө Сэндбоксын албанд хүргүүлнэ.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 5.13 дахь хэсгийн дугаарыг 5.16 гэж өөрчилсөн./

5.17.Зөвлөл нь оролцогчийн хүсэлт, Сэндбоксын албаны санал, дүгнэлтийг үндэслэн сэндбоксад туршигдах хугацааг сунгах эсэх зөвлөмжийг ажлын 10 өдрийн дотор санхүүгийн зохицуулагч байгууллагад хүргүүлнэ.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 5.14 дэх хэсгийн дугаарыг 5.17 гэж өөрчилсөн./

5.18.Энэ журмын 5.17-д заасан зөвлөмжийг үндэслэн тухайн бүтээгдэхүүн, үйлчилгээний төрлөөс хамааран Санхүүгийн зохицуулах хорооны дарга, эсхүл Монголбанкны Ерөнхийлөгч сэндбоксад туршигдах хугацааг сунгах эсэхийг шийдвэрлэнэ.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 5.15 дахь хэсгийн дугаарыг 5.18 гэж, 5.14-д гэснийг 5.17-д гэж тус тус өөрчилсөн./

5.19.Оролцогч нь сэндбоксын туршилтын хугацаанд үйл ажиллагаагаа 3 хүртэлх сараар түр зогсоох зайлшгүй нөхцөл бүрдсэн тохиолдолд түр зогсоох хүсэлтээ үндэслэл бүхий тайлбар, хэрэглэгчтэй холбоотой санхүүгийн өр төлбөр, өргөдөл гомдлыг бүрэн шийдвэрлэсэн тухай мэдэгдлийн хамт Сэндбоксын албанд ирүүлнэ.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар нэмсэн./

5.20.Оролцогчийн үйл ажиллагаагаа түр зогсоох хүсэлтэд холбогдох санал, дүгнэлтийг Сэндбоксын алба боловсруулан Зөвлөлд хүргүүлж, танилцуулна.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар нэмсэн./

Зургаа. Сэндбоксоос гарах

6.1. Оролцогчийн сэндбоксад туршиж буй бүтээгдэхүүн, үйлчилгээний туршилтын хугацаа дуусгавар болсон, оролцогч өөрийн хүсэлтээр гарах санал ирүүлсэн, эсхүл хугацаанаас өмнө гаргах нөхцөл бүрдсэн тохиолдолд сэндбоксоос гаргана.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар өөрчлөлт оруулсан./

6.2. Дараах тохиолдол нь оролцогчийг хугацаанаас өмнө сэндроксоос гаргах үндэслэл болно:

6.2.1. бүтээгдэхүүн, үйлчилгээг гэмт хэрэг үйлдэх зорилгоор ашигласан болох нь тогтоогдсон;

6.2.2. оролцогч нь Зөвлөлийн зөвлөмжид заасан хязгаарлалтыг зөрчсөн, шаардлага, гүйцэтгэлийн шалгуур үзүүлэлтийг хангаж ажиллаагүй;

6.2.3. мэдээллийн аюулгүй байдал, нууцлалын шаардлагыг зөрчсөн, эсхүл оролцогчийн үйл ажиллагаанаас бий болсон гомдол, зөрчил, технологийн эвдрэл гэмтлийг засаж сайжруулах, учирсан хохирлыг нөхөн төлөх боломжгүй болсон;

6.2.4. оролцогч нь санхүүгийн зохицуулагч байгууллага болон хэрэглэгчид төөрөгдүүлсэн, буруу ташаа мэдээлэл өгсөн, эсхүл мэдээллийг нуун дарагдуулсан нь тогтоогдсон;

6.2.5. оролцогчийн үйл ажиллагаа 3 сараас дээш хугацаагаар зогссон болон цаашид үргэлжлүүлэн үйл ажиллагаа явуулах боломжгүй болсон;

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар нэмсэн./

6.2.6. оролцогчийн санал болгож буй бүтээгдэхүүн, үйлчилгээ нь энэ журмын 2.3-т заасан шаардлагад нийцэхгүй болсон.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 6.2.5 дахь заалтын дугаарыг 6.2.6 гэж өөрчилсөн./

6.3. Оролцогч хугацаанаас өмнө өөрийн хүсэлтээр бүтээгдэхүүн, үйлчилгээгээ гаргах хүсэлтээ Сэндроксын албанд хүргүүлэх ба оролцогчийн хүсэлтэд үндэслэн Зөвлөл зөвлөмжийг ажлын 10 өдрийн дотор санхүүгийн зохицуулагч байгууллагад хүргүүлнэ.

6.4. Сэндроксоос хугацаанаас нь өмнө гаргах нөхцөл бүрдсэн тохиолдолд оролцогчид урьдчилан мэдэгдэх бөгөөд оролцогч нь мэдэгдлийг хүлээн авснаас хойш ажлын 10 өдрийн дотор холбогдох тайлбар, нотлох баримт бичгийг ирүүлнэ.

6.5. Энэ журмын 6.4-д заасан тайлбар, нотлох баримт бичгийг ирүүлээгүй тохиолдолд Сэндроксын алба нь холбогдох санал, дүгнэлтийг гаргаж, Зөвлөлд танилцуулна.

6.6. Оролцогч сэндроксын туршилтын хугацаа дуусгавар болох үед 30-аас доошгүй хоногийн өмнө сэндроксоос гарах хүсэлтээ Сэндроксын албанд хүргүүлэх ба оролцогчийн хүсэлт, Сэндроксын албаны санал, дүгнэлтийг үндэслэн Зөвлөл зөвлөмжийг ажлын 10 өдрийн дотор санхүүгийн зохицуулагч байгууллагад хүргүүлнэ.

6.7. Зөвлөлийн зөвлөмжийг үндэслэн тухайн бүтээгдэхүүн, үйлчилгээний төрлөөс хамааран Санхүүгийн зохицуулах хорооны дарга, эсхүл Монголбанкны Ерөнхийлөгч сэндроксоос гаргах эсэхийг шийдвэрлэнэ.

6.8. Оролцогчийн сэндроксын туршилт нь амжилтгүй болж, сэндроксоос гаргах шийдвэр гарсан тохиолдолд энэ журмын 4.1.5, 4.3.6-д заасан төлөвлөгөөг хэрэгжүүлэн хэрэглэгчдэд үйл ажиллагаа дуусгавар болсон талаар мэдэгдэх, хэрэглэгчийн санхүүгийн хохирлыг барагдуулах, сэндроксын орчинд цуглуулсан хэрэглэгчдийн бүх мэдээллийг задруулахгүйгээр устгах зэрэг холбогдох арга хэмжээг нэн даруй авна.

6.9. Оролцогчийн сэндроксын туршилт нь Зөвлөлөөр амжилттай буюу цаашид зах зээлд нэвтрэх боломжтой гэж дүгнэгдсэн тохиолдолд энэ журмын 4.3.7-д заасан төлөвлөгөөг хэрэгжүүлнэ. Тус төлөвлөгөөг хэрэгжүүлэх хугацаа нь 6 сар хүртэл байх ба Зөвлөл шаардлагатай гэж үзсэн тохиолдолд хугацааг сунгаж болно.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар өөрчлөлт оруулсан./

6.10.Энэ журмын 6.9-д заасны дагуу Зөвлөлийн зөвлөмжийг үндэслэн тухайн бүтээгдэхүүн, үйлчилгээний төрлөөс хамааран сэндбоксын зохицуулалтын орчноос шилжих, шилжилтийн хугацааг сунгах эсэхийг Санхүүгийн зохицуулах хорооны дарга, эсхүл Монголбанкны Ерөнхийлөгч шийдвэрлэнэ.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар нэмсэн./

6.11.Оролцогч энэ журмын 6.9-д заасан хугацаанд Зөвлөлөөс тогтоосон нөхцөл, шаардлага, хязгаарлалтуудыг дагаж мөрдөнө.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 6.10 дахь хэсгийн дугаарыг 6.11 гэж өөрчилсөн./

6.12.Шилжилтийн хугацаа дуусгавар болох үед тухайн бүтээгдэхүүн, үйлчилгээний төрлөөс хамааран Санхүүгийн зохицуулах хорооны дарга, эсхүл Монголбанкны Ерөнхийлөгч сэндбоксоос гаргах эсэхийг шийдэх бөгөөд санхүүгийн зохицуулагч байгууллага нь шаардлагатай тусгай зөвшөөрөл, зөвшөөрлийг олгох эсхүл бүртгэнэ.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар өөрчлөлт оруулсан./

6.13.Шилжилтийн хугацаа дуусгавар болох үед тухайн бүтээгдэхүүн, үйлчилгээнд хамаарах зохицуулалтын орчин бүрдээгүй бол шаардлагатай орчин бүрдэх хүртэлх хугацаанд санхүүгийн зохицуулагч байгууллага нь түр зохицуулалтыг хэрэгжүүлж болно.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар нэмсэн./

6.14.Санхүүгийн зохицуулагч байгууллага нь шаардлагатай тохиолдолд түр зохицуулалтын хүрээнд холбогдох хязгаарлалтыг тавьж болно.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар нэмсэн./

6.15. Сэндбоксын алба, чиглэл хариуцсан албан хаагчтай хамтран сэндбоксоос гарах, эсхүл шилжих төлөвлөгөөний хэрэгжилтэд хяналт тавина.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 6.11 дэх хэсгийн дугаарыг 6.15 гэж өөрчилсөн./

6.16.Оролцогч сэндбоксоос гарснаас хойш 30 хоногийн дотор Сэндбоксын албанд дараах тайланг ирүүлнэ:

6.16.1.сэндбоксоос гарах, эсхүл шилжих төлөвлөгөөнд заасан арга хэмжээний тайлан;

6.16.2.сэндбоксоод оролцсоноор гарсан үр дүн, хэрэглэгчид тухайн шинэ бүтээгдэхүүн, үйлчилгээний талаар хэрхэн хүлээж авсан, хэрэглэгчтэй холбоотой гомдол, маргаан сэндбоксын хугацаанд гарсан бол түүнийг хэрхэн шийдвэрлэсэн, хэрэв сэндбоксын туршилт амжилтгүй болсон бол түүний шалтгаан, үр дагаврын талаарх мэдээлэл бүхий тайлан.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тушаалаар 6.13 дахь хэсгийн дугаарыг 6.16 гэж, 6.13.1, 6.13.2 дахь заалтын дугаарыг 6.16.1, 6.16.2 гэж тус тус өөрчилсөн./

Долоо. Бусад

7.1. Санхүүгийн зохицуулагч байгууллага нь сэндбоксад амжилттай туршигдсан бүтээгдэхүүн, үйлчилгээг зах зээлд нэвтрүүлэхэд шаардлагатай эрх зүйн зохицуулалтыг бий болгох талаар холбогдох төрийн байгууллагуудтай хамтран ажиллана.

7.2. Санхүүгийн зохицуулагч байгууллага нь оролцогчид болон олон нийтийг сэндбоксыг зохицуулалтын талаарх зөвлөгөө, мэдээллээр тогтмол хангаж ажиллана.

7.3. Санхүүгийн зохицуулагч байгууллага нь сэндбоксын ил тод байдал болон хэрэглэгчдийг мэдээллээр хангах үүднээс оролцогчийн нэр, үйл ажиллагааны чиглэл, бүтээгдэхүүн, үйлчилгээний танилцуулга, сэндбоксын эхлэх, дуусах хугацааг өөрийн цахим хуудсанд нийтэлсэн байна.

7.4. Сэндбоксад оролцож байгаа бүтээгдэхүүн, үйлчилгээнээс үүдэн хэрэглэгчдэд үүссэн хохирлыг оролцогч тал дангаараа хариуцна.

7.5. Санхүүгийн зохицуулагч байгууллага нь хүсэлт гаргагч болон оролцогчидтой холбоотой аливаа мэдээллийг холбогдох хууль, тогтоомжид заасны дагуу хадгалж, хамгаална.

СЭНДБОКСЫН ОРОЛЦОГЧДОД ТАВИГДАХ ТЕХНОЛОГИЙН ШААРДЛАГА

Сэндбоксад оролцохоор хүсэлт гаргаж буй хуулийн этгээд нь дараах технологийн шаардлагуудыг хангасан байна:

- Хоёрдугаар түвшний (Tier 2) стандартын дата төвтэй, эсхүл энэ стандартыг хангасан дата төвд системийг байршуулсан байх;
- Хэрэглэгчийн мэдээллийг нийтийн болон хувийн сүлжээгээр дамжуулахдаа шифрлэн нууцалсан байх;
- Албан ёсны эрх бүхий вирусээс хамгаалах программ хангамж ашигладаг байх;
- Нууцлал, аюулгүй байдлын систем болон программ хангамж хөгжүүлж, ашигласан байх;
- Хэрэглэгчийн мэдээлэлд нэвтэрч буй бүх хандалтыг хянаж, бүртгэдэг байх;
- Мэдээллийн аюулгүй байдлын бодлоготой байх.

Сэндбоксад оролцохоор хүсэлт гаргаж буй хуулийн этгээд нь өөрийн санал болгож буй бүтээгдэхүүн, үйлчилгээний онцлог, технологийн шийдэлд тохируулан дараах материалуудыг Сэндбоксын албанд ирүүлнэ:

- Ашиглаж буй технологи, тоног төхөөрөмжийн жагсаалт, танилцуулга;
- Хэрэглэгч болон сервер талуудыг хамруулсан сүлжээ болон программ хангамжийн бүтэц схем (topology schema);
- Технологи хариуцсан алба, ажилчдын чиг үүрэг, танилцуулга;
- Систем хөгжүүлэлтийн зардал;
- Өгөгдлийн санд ашигласан технологийн мэдээлэл;
- Систем хооронд ашиглагдаж буй сервисийн жагсаалт;
- Систем, хэрэглэгч болон үйл ажиллагааны гарын авлагууд;
- Системийн ачаалал даах чадварын тайлан;
- Нууцлал, аюулгүй байдлыг хангах хүрээнд хийгдсэн ажлын жагсаалт;
- ISO27001 стандарт эсхүл, Кибер аюулгүй байдлын тухай хуулийн 8 дугаар зүйлд заасан Кибер аюулгүй байдлын эрх зүйн үнэлгээний тайлан.

/Энэ хэсгийг СЗХ-ны дарга/Сангийн Сайд/МБ-ны Ерөнхийлөгчийн хамтарсан 2025 оны 4 дүгээр сарын 15-ны өдрийн Журамд нэмэлт, өөрчлөлт оруулах тухай 124, 75, А/86 дугаар тогтоолоор хүчингүй болсонд тооцсон./

Байгууллагын эрх бүхий албан тушаалтны мэдээлэл			
Овог, нэр:			
Албан тушаал:			
Эзэмшсэн боловсрол, мэргэжил:			
Холбоо барих утас:			
И-мэйл хаяг:			
Өргөдлийн маягтыг бөглөж буй ажилтны мэдээлэл			
Өргөдөл гаргаж буй ажилтны овог, нэр:			
Албан тушаал:			
Холбоо барих утас:			
И-мэйл хаяг:			
Сэндбокс үргэлжлэх хугацаанд өөр байгууллагатай хамтран ажиллах бол тухайн байгууллагын мэдээлэл			
Байгууллагын нэр, бүртгэлийн дугаар:			
Тусгай зөвшөөрөл эзэмшдэг бол тусгай зөвшөөрлийн гэрчилгээний дугаар:			
Байгууллагын хаяг:			
Холбоо барих утас:			
И-мэйл хаяг:			
Цахим хуудас:			
Үүсгэн байгуулагдсан огноо:			
Ажилчдын тоо:			
Хөрөнгө оруулалтын хэлбэр:		<input type="checkbox"/> Дотоодын хөрөнгө оруулалттай <input type="checkbox"/> Гадаадын хөрөнгө оруулалттай	
Үйл ажиллагаа явуулдаг чиглэл:			
2. СЭНДБОКСОД ОРОХ БҮТЭЭГДЭХҮҮН, ҮЙЛЧИЛГЭЭ, ТЕХНОЛОГИЙН ШИЙДЛИЙН ТАЛААР			

А. Сэндбоксад орох бүтээгдэхүүн, үйлчилгээ, тэдгээрийн бусдаас ялгарах онцлогийг товч тайлбарлан бичнэ үү.

Б. Сэндбоксад орох бүтээгдэхүүн, үйлчилгээнээс хүлээж буй үр дүн мөн ашиглаж буй технологи нь хөгжүүлэлтийн үе шатны аль хэсэгт явж буй талаар бичнэ үү.

В. Сэндбоксад орох бүтээгдэхүүн, үйлчилгээний шинэлэг байдал, санхүүгийн зах зээл, тэдгээрт оролцогчдын үр ашиг, өгөөжийг хэрхэн нэмэгдүүлэх талаар бичнэ үү.

Г. Сэндбоксад орох бүтээгдэхүүн үйлчилгээний өрсөлдөгчдөөс ялгарах онцлогийг бичнэ үү.

Д. Технологийн хувьд гарч болзошгүй эрсдэл, түүнээс үүдэж болох хохирлыг хэрхэн бууруулах талаар төлөвлөгөөгөө товч бичнэ үү.

Е. Сэндбоксын хүрээнд танай бүтээгдэхүүн, үйлчилгээг амжилттай хэрэгжүүлэхийн тулд зохицуулагч байгууллагын зүгээс ямар зохицуулалт хийх шаардлагатай гэж харж байна вэ?

3. СЭНДБОКСОД ҮЙЛ АЖИЛЛАГАА ЯВУУЛАХ ТӨЛӨВЛӨГӨӨ

А. Сэндбоксоод орох хэрэгцээ, шаардлагыг тодорхойлно уу.

Б. Сэндбоксо амжилттай хэрэгжсэн эсэхийг үнэлэх гүйцэтгэлийн шалгуур үзүүлэлтийг бичнэ үү.

В. Сэндбоксоос хүлээж буй үр өгөөжийн талаар бичнэ үү.

Г. Сэндбоксоод орох бүтээгдэхүүн, үйлчилгээг хүргэх зорилтот хэрэглэгчид, зах зээлийн талаар товч бичнэ үү.

Д. Сэндбоксоос гарах төлөвлөгөөний талаар товч бичнэ үү.

Е. Хэрэв бүтээгдэхүүн үйлчилгээ сэндбоксоос амжилттай гарвал дараагийн алхам юу байх вэ?